



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

16. De horrenda quadam dæmonis voce in die sacra Pe[n]tecostes, & liberalitate Henrici III. Imp. in pauperes.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

*Preceptū om-
nibus prin-
cipibus instilla-
dum.*

huius Deus. Si enim perpetuam eius rei obti-
nueris memoriam, non prorsus te ob accepta
beneficia erga eum ingratum præstabis: sed ex
præscripto legum Dei, quod ab eo accepisti,
gubernabis imperium: & ita eum, qui id tibi
ut fidei ministro commisit, ritè coles. Eiusce-
modi verba accinens, quæ ei insita erant diui-
na excitauit semina, cōtinuo admonitionum
fluxu ea rigans.

*Ioannes Nauclerus Chronicor. volum. 3. gene-
ration 36. De horrenda quadam demonis
voce in die sacro Pentecostes. & liberalitati
Henrici III. Imper. in pauperes.*

C A P. X V I.

Henrici III. Impe. fuit natura iucundus,
hominibus affabilis, coram omnibus
humilis, hostibus terribilis, pauperi-
bus pius & largus. Hic cū aliquando festum
Pentecostes apud Moguntiam celebraret, dia-
bolo suadente inter famulos Archiepiscopi
& famulos Abbatis Fuldenfis cōtentione sub-
orta de locatione, post verba deuentum est ad
verbera, ex quo Ecclesiæ pauimentum cruore
repletur, sed Episcopis & alijs cōuolantibus,
pax inter dissidentes reformata est, templum
purgatum, atq; cum multa deuotione Missa ce-
lebrata est, & cū ad illum versum Sequentiæ
uentum est, Hunc diem gloriosum fecisti, vox
ab aëre lapsa est, dicens: Hunc diem bellico-
sum ego feci. Quo audito rigentibus omni-
bus, Imperator diligenter intendens lætitiā
diabo-

diaboli: Tu, inquit, omnis malitiæ inuentor
& incentor, diem bellicosum & arrogantibus
luctuosum fecisti: sed nos per Dei gratiam,
qui illum gloriosum fecit, pauperibus & in-
digentibus gratiosum faciemus. Et mox rein-
cepta Sequentia, solenni ploratu gratiam Dei
inuocabant, completaq; cum deuotione Mis-
sa, omnibus pauperibus per præconem voca-
tis, omnia preciosa cibaria, quæ sibi & curia-
libus præparata erant, in vñus illorum cõsum-
psit, ipseque pius Imperator, cum cæteris præ-
latis ac ministris, proprijs manibus illis ser-
uiuit.

*Theodoretus lib. 1. cap. 18. Ecclesiast. histor. De
S. Helena Imperatrice in religiosas virgines
pietate & humili ministerio.*

CAP. XVII.

Illustrissima & maxima digna admiratio-
ne Imperatrix Helena mulieres, q̃ toto vite
tempore virginitatem excolebāt, primū
omnes in vñum congregari, & sedibus præpa-
ratis accumbere iussit, deinde illa ipsa ancil-
læ munus exequi, apponere cibaria, & guttur-
nium cum malluio adferre, aquam denique
earū manibus, dum lauant, ministrare non de-
dignata est.

Ioannes Nauclerus historicus generation. 36.

*De Leonis IX. Pontifi. Max. in paupe-
res pietate, & miraculo circa leprosum pa-
trato.*

CA-